



Sumáriu:
Atividade monitorizasaun iha Tribunál Distritál sira no Asisténsia Legál
Períodu Abril 2021

I. Introdusaun

Iha fulan Abril Governu kontinua deklara Estadu Emerjénsia, serka sanitária no konfinamentu obrigatóriu iha Dili, Baukau no Suai. Ho nune'e funsionamentu tribunál sira iha jurisdisaun hirak ne'e, la funsiona hanesan bai-bain inklui suspende tribunál movel.

Hanesan fulan antes, iha fulan Abril ne'e, tribunál sira kontinua halo julgamentu ba kazu urjente sira hanesan primeiru interrogatóriu, arguidu prezu, kazu sira ne'ebé tenke hetan desizaun, providénsia kautelár no prosesu sumáriu sira.

Alende atividade monitorizasaun, iha fulan ne'e, JSMP mós kontinua simu keixa no fó assisténsia legál ba vítima sira violénsia bazeia ba jéneru.

Atividade sira hotu ne'ebé JSMP hala'o, JSMP nafatin kumpri regra sira prevensaun surtu COVID-19.

II. Atividade sira

1) Monitorizasaun iha tribunál Sira

Monitorizasaun iha tribunál sira hanesan atividade prinsipál JSMP nian ne'ebé hala'o ho regularmente. Durante período Abril nian, JSMP konsege monitoriza kazu hamutuk 23 (krime 22 no sivíl 1) iha Tribunál Distritál Dili (TDD), Tribunál Distritál Baukau (TDB), Tribunál Distritál Suai (TDS), no Tribunál Distritál Oekusi (TDO).

Husi rezultadu monitorizasaun sira ne'e hatudu katak TDO julga kazu VD hamutuk 17, TDS julga kazu VD 3 (tolu) no kazu ezersísiu podér paternal 1 (ida), TDD julga kazu VD 1 (ida) no TDB julga kazu VD 1 (ida).

Tabela : Totál kazu ne'ebé JSMP monitoriza durante fulan Abril

	Dili	Baukau	Suai	Oekusi	Totál
Krime	1	1	3	17	22

Sivil	-	-	1	-	1
Totál	1	1	4	17	23

Totál kazu krime no sivil Abril 2021




Tabela : Tipu kazu husi kada Tribunál ne'ebé JSMP monitoriza durante fulan Abril

Tipu kazu	Artigu	Númeru
Ofensa ba integridade física simples – VD	Artigu 145 Kódigu Penál (KP) & Artigu 2, 3, no 35 letra (b) Lei Kontra Violénsia Doméstika (LKVD)	22
Ezersísiu podér paternal	Artigu 1757, 1758, 1759, 1762, 1765, 1786, 1782, 1804,1805 Kódigu Sivil (KS)	1
Totál		23

2) Asisténsia legál ba vítima violénsia bazeia ba jéneru

Durante implementasaun Estadu Emerjénsia, serka sanitária no konfinamentu obrigatóriu, JSMP continua fó asisténsia legál ba vítima violénsia bazeia ba jéneru, maibé ho limitadu. Nune'e iha Abril ne'e, JSMP konsege fó asisténsia legál ba vítima kazu VD hamutuk kazu 3 (tolu).

Tabela : Tipu kazu sira ne'ebé JSMP fó asisténsia legál iha Abril 2021

Distritu	Violénsia Doméstika	Abusu Seksuál ba Menór	Fraude Seksuál	Tipu seluk	Totál

Dili	1	-	-	-	1
Ermera	2	-	-	-	2
Bobonaru	-	-	-	-	-
Vikeke	-	-	-	-	-
Totál	3	-	-	-	3

III. Konkluzáun no Rekomendasaun

Iha fulan Abril 2021, JSMP konsege monitoriza kazu hamutuk 23 (VD 22 no ezersísiu podér paternál 1) iha tribunál distritál sira. Entretantu kazu 3 (VD) mak JSMP fó assisténsia legál. Tuir estatístika JSMP nian durante ne'e, kazu VD mak rejista aas liu iha tribunál sira.

Tanba ne'e, JSMP nafatin husu entidade sira hotu hahú hosi família, Governu no sosiedade atu serbisu hamutuk hodi prevene krime violénsia doméstika buras iha sosiedade.

Atu hetan informasaun liután bele kontaktu:

Ana Paula Marçal
Diretora Ezekutiva JSMP
Email: ana@jsmp.tl
Telefone: 3323882 | 77040735
Website: <https://jsmp.tl/>